

# Bi boneya cejinên qurban û sersalê ên pîroz Daxuyaniya Eniya Felata Niştimanî li Sûriyê Ji gelê me yê dilsoz re

Ey welatîyên azad û bi rûmet, cejina we pîroz be, cejina sûriya xoşewîst pîroz be, ew her şad û serfiraz û di nav aşîtî û aramiyê de bimîne. Ey welatîyên hêja... Şev li pey şevê derbas dibe û em kûrbûna birîna ku malbata serdest di tevna me ya niştimanî û di pêwendiyên me yên erebî û di pêgeha me ya navneteweyî de hiştiye dibînin tevî mezinbûna karesata ku wê li ser cilên zarokên me di sibeha cejinê de anjî sifreya wan û hemî pêwîstiyên wan yên cî û kar û xwendin yanjî mafên wan di peydekirina derman de ku nexweşiyê ji wan dûr bixe û rê li ber geşbûna laşên wan vebike ku bikaribin barê projeya şiyarbûna niştimanî di çarçoveya neteweyêke bihêz û hevgerî de, hilgirin. Ey welatîyên hêja... Ji xwe re li rewşa yekîtiya niştimanî binerin di bin saya tunebûna wekheviya derfetan û destdanîna tiwêjeyêke keysperest ser derfetên niştimanî di pileyên bilind û nizim de, ji wezaretan bigire ta bi karûbarên diplomasi û şandeyên xwendinê ,kirêya karkerekî li kargehê,anjî para dartaş anjî hesinkarekî ji dar û hasin anjî para cotkarekî ji tov , heta tu bigihêje rawestandina hevvelatî li ber dergehên firnan ku bi saetan dimîne da ku para zarokên xwe ya nan qezenc bike.Gelo ew kesên ku agirê kînê û zikreşiyê di

navbera hevvelatîyan de gur dikin dixwazin ku para nan jî ji wan bistînin?Gelo ew diramin ku hindek dever ji parêzgeh û bajar û bajarok û gundan biguherin bo pileya diwem ji ber hindek sedemên ku pêtiyiyên siyaset û parastina yekîtiya niştimanî rê nadin ku em wan eşkere bikin:bajar in bi komên çopê weke sizakirina xelkên wan ji ber nêrînen wan yên siyasî û dîroka wan a niştimanî!

**Gelo ew kes bandora yasayên bêparkirina sedan hezar ji birayên me yên Kurd, hevpişkên me di xweşî û nexweşiyê de, di dîrok û dema niha û welat û baweriyê de...ji girêdan û mafan, tevî lêpîrsîn û destgirtina çalakvanên wan ta bi bêparkirina wan ji mafê bijartina awazeke kurdiya dilşewat li ser telefonên destan..?!**

Gelo ew bi şopên zagona 49/1980, anjî bi encamên mayîna dehan hezar welatîyan di lîsteyên windabûyan de di sibeha cejinê de ramiyane?Gelo ew ramiyane bi hijmara bav û dayik û jin û zarok, bira û xuşkên ku li benda nûçeyekê ne derbarê kes û karên wan yên dûr û windayî?Gelo wan tevgera biguman ya balyozê îranî û alîgirên ku bi navê wî û hikûmeta wî di bajar û gundan de belav bûne di çarçoveya bizaveke propagandeya erzan di dema

ku navçe bi agirê fitneya mezhebî a tirsnaq ku gefan li iraqê dixwe û aramî û yekîtiya lubnanê dixwe metirsiyanê de, çavdêr kirine?! Ey welatîyên birêz... Gelo ji aliyê xwe de, hun ramiyane li dor sedemên qeyranên aborî yên tund û rewşa belengazî û bêparî û bêkariyê? Gelo hun bi samanên mezin yên ku malbata serdest ew dane hev di riya gendeliya xwe de ji mewdana gel û dahatîyên welat ramiyane? Gelo hun ramiyane çawa dêwê gendeliya malbata serdest serî hildaye û welat berev xizanî û lawazbûnê ve biriye? endamên malbata serdest dema ku deselatdarî bi dest xistin ji bilî mûçeyên wan tiştekî wan nîn bû, lê bi gendeliya xwe samanên herî mezin di bin saya tepeserî û despotismê de kom kirin. Ey welatîyên birûmet... Serokê rêjîmê sloganên berxwedan û desthilanîn û dijayetîkirinê bilind dike di heman dema ku ew bi zikxişkê berev diyalogê bi israiliyan re diçe li ser hesabê colanê bi akama ku heye ew alîkariya wî bikin di ewlekariya rêjîma wî de û bidawîanîna cudakirina wê a navneteweyî. Diyar e ku ti girêdan di navbera serokê rêjîma despotîk û gendel û gel û welat de tune ye, serokê rêjîma despotîk û gendel tawanên kuştinê li lubnanê bi mebesta veşartina dosiyeyên gendeliya xwe û malbat û darûdestên xwe û berdewamkirina serdestiya xwe li ser lubnana cînar, bikartîne .gelo hun ramiyane çima wî hizbullah û tevgera emel û hevbendên xwe yên li lubnanê berev vekirina cengeke hundirîn ajotin ku lubnan xiste rewşa nakokiyê eger ku biteqe dê cengeke sivîl pêk were û lubnanê wêran bike û kartêkirina xwe li ser sûriyê û navçeyê jî bihêle Gelo ne ji ber qedexekirina danîna dadgeheke navneteweyî ye? Gelo ew wisa dirame ku dê ji pencê dad û zagonê rizgar bibe? Eniya Felata Niştimanî li Sûriyê(EFNS)aliyên lubnanî vedixwîne

bo parastina yekîtiya wan ya niştimanî û ew nebin alav ji bo herifandina wê, her weha ew hizbullah vedixwîne bo ku ew dîroka xwe a xebatane di kolanên bêrûtê de winda neke Ey welatîyên birûmet... Gelo hun bi sedemên xistina sûriyê di refa berjewendiyên iranî de û dûrxistina wê ji neteweya wê ramiyane? Gelo hun ramiyane sedemên alîkariya di navbera alavên istixbaratên sûrî û yên îranî di iraqê de bi akama gurkirina nakokiya mezhebî a xwîndar weke rê vekirina li ber serdestkirina îranê li ser iraqê? Û rola wê di filistinê de di warê cudakirina yekîtiya niştimanî û zêdekirina azara milletê filistinî angu girêdana xelekên stratîciya îranî yên ku ji deryaya sipî a navend destpê dikin ta bigihêje asiya navîn? Gelo hun ramiyane bi radeya bive û metirsiyanê derbarê ewlekarî û berjewendî û paşeroja sûriyê û dewletên erebî yên din? ev rêjîm welat berev xirabûnê ve dibe û bûye biveyê mezin derbarê ewlekarî û paşeroja sûriyê û navçeyê bi giştî. Ey welatîyên birêz... Di bin saya van cejnê pîroz de ...ji mafê me û yê we ye ku em bipirsin gelo ev nakokî dê yekîtiya me ya niştimanî bikudê ve bibin? Gelo ew dê tevna me ya civakî û siyasî bigihîne ku? ev siyasetên ku rehendê me yê erebî û cînarên me yên ereb û biratiya erebî kêr dikin dê me bigihînin ku ?Gelo heta çî radeyê mafê Esedê"piçûk" heye ku ew kesên ku di temenê bavê wî de ne û bi salan ew hambêz kirine û bi salan bihna xwe jê re fireh kirine weke "nîv-zilaman" bi nav bike...û saxlemiya hişê wî ji xwe dev ji pirsên danûsitandin û atîkêta giştî berde ku herdem li ser piçûkan rêzgirtina mezinan ferz dikin?!!! Li ser asta navneteweyî, siyasetên serokekî ku baweriya xwe windakiriyê û di nêrîna gelean de mîna(şivanê derewçîn) tê naskirin dê me bikuve bibin?li vir em ne rastî anjî çewtiya nêrîn û konevaniyan guftûgo dikin, lê

em nêrîna giştî ya ku vî serokî li pêşiya cîhanê tevî daye xwe, û herî bêtir ji hundirê welêt re, dema ku wî hertiştê ku di gotara sondxwarin û di hevdîtin û hevpeyvînên xwe de gotî bicih ne anî? Û di çarçoveya navneteweyî de ji piraniya serokên cîhanê re hatiye xuyakirin weke bêbawer û derewkar û fêlbaz, heta radeya ku ew ji lîderên israilê re bi serçimîneke nedîtî bibêje werin (me ezmûn bikin...). Ey welatîyên birêz... Serkirdayetîya siyasî ne karê serkêş û bazirganan e, û çarenûsa millet û welatan ne lîstik e ku keysperest pê bilîzin û azadiya welatîyan û rûmet û zad û pêwîstiyên wan yên sereke û pêtiyên wan yên bingeînî û xweşaliya wan ya aborî û civakî bi minnet binirxînin, ev hemî ne minneta serokekî anjî lîderekî ne; ew hindek ji mafên welatîyan yên bingeînî

ne yên ku ji encama girêdana wan bi welatekî xoşewîst û birûmet mîna Sûriyê ve têne holê. Ey welatîyên birêz... Herçendî rê li ber we werine girtin, zarokên we tûşî desttengiyê bèn, hindek mafên we yên aborî û sivil û mirovî weke minnet bêne jimartin, pîlan li welatê we werine girêdan, û destên xêrnexwazan welatê we kaviil bike, bizanibin ku sedemê pêşîn û dawîn malbata serdest û rêjîma gendel e ya ku rêbaza tepeserî û gendelî û durûtîyê dişopîne....heta kengê mafên me bèn xwarin û em bêdeng bimînin! welatê xwe rizgar bikin, mafên xwe biparêzin, pariya zarokên xwe misoger bikin û derfetên wan di paşerojeke azad û birûmet de dabîn bikin... Ey parêzvanên welêt de rabin! Cejna we a qurbanê pîroz be!  
Sersala we pîroz be!

**Eniya Felata Niştimanî li Sûriyê  
27 çileyê pêşîn 2006**